

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0049384 24
Zenica, 11.03.2025. godine

OPĆINSKOM SUDU U ŽEPČU
- Sudiji za prethodno saslušanje -
Ž E P Č E

Na osnovu člana 45. stav 2. tačka i), člana 241. stav 1. i člana 242. stav 1. Zakona o krivičnom postupku F BiH, p o d i ž e m o

O P T U Ž N I C U

Protiv: Š. S., neosuđivan, ne vodi se drugi krivični postupak,

što je,

dana 10.06.2022. godine, oko 22,00 sati, u Žepču, na magistralnom putu M-17, u mjestu D.G., ugrozio sigurnost javnog prometa, na način da je upravljajući motornim vozilom „Golf“, reg. oznaka ..., krećući se iz smjera Doboja u smjeru Zenice desnom (svojom) saobraćajnom trakom, gledano u smjeru kretanja vozila, pa dolaskom pred raskrnicu prema Željeznom Polju, nije zaustavio svoje vozilo i nije uočio pješaka M. S. koji se kretao desnom ivicom isključne trake u istom smjeru kao i vozilo i koji je bio u alkoholiziranom stanju sa koncentracijom alkohola u krvi od 3,56 promila, iako je bio svjestan da zbog njegovog činjenja može nastupiti zabranjena posljedica, ali je olako držao da ona neće nastupiti ili da će je moći spriječiti, pa postupajući suprotno odredbama člana 28. stav 1. i 43. stav 1. Zakona o osnovama sigurnosti saobraćaja na putevima u Bosni i Hercegovini, ne prilagođavajući brzinu kretanja svoga vozila uslovima i stanju puta, krećući se brzinom od oko 57 km/h po mokrom i neosvijetljenom kolovozu i ne primjećujući pješaka na kolovozu, vozeći tako, prouzrokovao saobraćajnu nezgodu, na način da je prednjim desnim čeonim dijelom svoga vozila udario lijevu nogu pješaka M. S., uslijed kog udara je tijelo pješaka nabačeno na prednji dio vozila, a gornji dio tijela ostvaruje kontakt sa vjetrobranskim staklom vozila, nakon čega se tijelo pješaka odvaja od vozila i biva odbačeno unaprijed i bočno u desnu stranu, gledano u smjeru kretanja vozila, na koji način je M. S. zadobio teške tjelesne povrede u vidu nagnječno-razderne rane tkiva poglavine, čeono i sljepoočno lijevo, dvije nagnječno-razderne rane tjemeno-zatiljnog predjela glave desno, oguljotinu kože u slabinskom dijelu leđa sa nagnječno- razdernom ranom, oguljotine kože u lopatičnom predjelu leđa obostrano, izrazitije desno, dvije nagnječno-razderne rane na stražnjoj strani lijeve nadkoljenice, manje krvarenje ispod tvrde moždane ovojnice čeono-tjemeno desno i manje krvarenje ispod mekih moždanih ovojnica u prostoru između hemisfera velikog mozga,

čime je počinio krivično djelo Teška krivična djela protiv sigurnosti javnog prometa iz člana 336. stav 3., u vezi članom 332. stav 3., u vezi stavom 1. KZ F BiH.